

錦

瑟

詞

錦瑟詞

揚州

中調

一剪梅

同醉白
飲梅下

小梅勾引蝶蜂狂爲惜韶光共飲春光無端忽憶
壽陽粧不在釵笄定在眉笄羅浮清夢散幽香
燈影昏黃月影昏黃笛聲何處最悠揚開也堪傷
落也堪傷

前調

書隣舟
所見

柁樓小婦正芳季行盡溪邊看盡橋邊輕搖柔櫓

對雙死今日春天明日春天
隔簾偷眼笑聲偏
他爲儂憐儂爲他憐錦帆寄語急須牽船也當前
人也當前

蝶戀蒼

題顧繡美人撲蝶圖

細草如茵鋪小院蝴蝶成團故故飛當面時向楚
蓮裊底漩美人悄地揮紈扇澹粉輕黃雙翅顫
玉指拈來戲綴紅絲線不是物中偏取厭惱他蒼
下雙雙戀

蘇幕遮

舟中寒食

落蒼風寒食雨幾陣廉纖催送春何遽閒倚蓬窗

臨古渡酒旗飄在垂楊樹
白歸遲時節誤暝色
高樓望斷河橋路燕子來時愁欲暮波上雙雙飛
過船頭去

好女兒

本意

十五芳時梳掠纔宜終日凝粧渾未解但閨裏熏
香窗前傳粉鏡內修眉問着佳期不語紅兩頰
故嬌癡獨何事背人閒刺繡偏蝴蝶雙飛鴛鴦比
翼桃李連枝

前調

春怨

隔樹鶯聲喚起春情九十韶光今已半看梅萼凋

殘桃蒼歷亂楊柳輕盈 怪殺檀郎不定寬後約
負前盟若道是別離猶未久已倏忽蒼朝無端上
巳又早清明

醉春風

情

好事而今乍刻襪移深夜手提金縷小鞋兒怕怕
怕犬吠蒼陰月沉樓角暗中驚詫 軟玉相憑藉
纖指將頭卸妾身拚得教郎憐罷罷又聽雞聲
催人枕畔羞顏嬌姹

剔銀燈

春夜和
宋人韻

獨坐知儂何意憔悴盡臉紅眉翠小鴨香殘孤鸞

鏡掩怕見蘭膏光膩此時情致况遇着惱人天氣
簌簌落蒼偏媚欲待留春無計妾命桃蒼歡情
楊柳何處青樓携妓溫柔香醉總不管夜寒人睡

千秋歲

三月三日
醉白生日

春兌漸香上巳生辰好芳草綠鶯聲曉稱觥兼被
襖重譜蘭亭藁看世上形骸放浪人空老英妙
才華少行樂今宜早須富貴何時到不如傾美酒
莫謾言潦倒君不見海棠昨夜都開了

江城子

送給諫王北
山先生南游

牙檣錦纜木蘭舟雨初收碧波流書畫輕裝落日

卷簾鉤江草江蒼看不厭橋畔樹樹邊樓 蘇州
才過又杭州櫓船頭踏春游越女如蒼絲竹雜清
謳太傳風流今又見湖水上可淹留

金人捧露盤

春雨

恨蒼時偏寂寞霧濛濛怕輕寒不捲簾櫳朱樓靜
掩鶯聲啼濕畫欄東不堪凝望芳園外烟柳搖空
問春光晴時少陰時半去匆匆况中間人事飄
蓬不如醉也陰晴總付酒杯中羞同兒女終朝裏
怨雨愁風

傳言玉女

午日
閨情

窄窄單衫透出冰肌如雪香銷玉臂懶把朱絲結
釵頭艾虎早被午風吹折晚涼人靜獨看新月
浴罷蘭湯倦倚紗厨欲歇五時花裊羅帳休輕揭
回思鬪草摘得宜男羞說可憐辜負端陽時節

爪茉莉

林麗

最喜炎天趁薰風放蕊枝兒上白溶溶地晚涼院
落月照處清芬似水安排下鈿盒金簪穿茗慣須
小婢 髮鬆鬟膩蘭膏味偏細私嗅處早醒殘
醉還留數朶待朝來上雲髻將幾枝安放枕頭根
底夢魂杳相伴睡

驀山溪

行

巾車初架碾出東城路梅雨乍晴天淡空濛千村
殘雨草香泥淨行過板橋西蛙聲聚鶯聲度一帶
垂楊樹終年塵市真被名韁悞安得買山錢共
樵青荷鋤塲圃竹籬茅舍不異小桃源斜陽路清
江度人對千山住

送入我門來

白

種柳爲城栽榆成巷白沙翠竹人家門對江千山
色見些些却逢暮暮朝朝雨恨不見村村樹樹蒼
地僻行人罕到無數良田美宅雞犬桑麻今我

纔游歸路晚烟斜誰家蹀躞青驄騎更幾處呀呀
紅漆車

江城子

同諸子西莊餞
北山先生入都

荷蒼映水葉田田白鷗眠納涼天楊柳樓臺絲管
度瓊筵更有琵琶彈水調增別恨是離絃暫停
彩鷁共流連人濟濟興翩翩痛飲休辭難得此蒼
前明日欲留留不得千里外五雲邊

御街行

送夏次
功游燕

別離之色都休矣好跨青絲騎仰天大笑出門行
兒女滂勞牽繫相如題柱仲升投筆猶是英雄氣

長楊獻賦須臾事慷慨游燕市子昂何用怒搥
琴早晚薦雄文似丁寧無別黃金如斗方許君歸
里

蝶戀蒼

鬪葉

銅獸牙籤開粉篋玉几斜鋪四角拋金葉欲賭寶
釵郎謾怯團圓鬪出當輪妾八幅如篷纖手捻
大婦移樁中婦來相接小婦何爲紅暈頰錯丟百
子須包貼

賣蒼聲

鬪夫送菊時值豹人定
九緘齋過訪對花小酌

未到重陽秋色今年何早報籬前菊蒼開了黃英

紫萼帶霜風清曉贈盈筐
枝枝香嫋移來小徑
却值素心人到發新醅
霜螯正好請君仔細與
蒼神傾倒最難逢
掀髯一笑

釵頭鳳

秋闈
夜雨

寒蟬咽紗窗裂冷風蘊釀
清秋節黃荅嫩重陽汎
燈昏雨暗香銷人困陣陣
傷離別空淒切玉顏
夜夜啼紅血腰圍褪
垂蓬鬢心頭一點眉尖
三寸恨恨恨

連理枝

賀友人
納妾

鏡裏桃荑暈私語偎香
鬢瑤瑟輕彈銀缸低照
洞

房相近語柔娘大婦愛殷勤須十分謙遜 確守
衾稠分謾惹胭脂慍憐惜均平歡娛仔細加些溫
潤願同心吉夢早徵蘭看生兒袞袞

酷相思

月夜被酒
止醉白宿

霜洗銀蟾樓外皎聽寒葉聲聲悄忽妄語終宵天
欲老看燭淚流殘了看香篆燒殘了 借酒驅愁
愁較少心緒翻顛倒且醉臥匡牀休夢攪又隔院
雞聲曉又遠寺鐘聲曉

月上海棠

閏月

良宵故故青天滿最無情二十四回轉斟酌姮娥

耐孤棲怎生消遣金波耿冷浸紅樓翠館玉階
如水蒼陰亂影兒单生怕風吹斷寄語浮雲把水
輪早些推碾窗兒黑遮了朦朧睡眼

柳腰輕

觀女劇
贈月娥

團雲隊裏燈烟暖梁塵起春鶯囀錦靴紗帽柳眉
星眼就裏雌雄難辨藏輕鳳羅帳須垂護飛鸞晚
風偏顫不用仙盤頻勸秦新聲月華堪美丹脂
微暈翠翹高聳杜牧筵前驚見飲三爵忽發狂言
笑顏開紫雲回面

一叢蒼

虎丘生
日自壽

先生今日又生辰何幸作閒人扁舟正泊蘇臺下
虎丘寺無限芳春踏艸心情燒香時節蛺蝶繞羅
裊美人噓氣總如雲蘭麝暗紛紛玉簫金管隨
風度多應是勸我開尊不美神仙豈須富貴醉後
但稱臣

洞仙歌

宗定九寄詞爲家
大人壽依韵賦謝

水荅亂剪洒上元時節帶雨春燈歡乍歇洗辛盤
初試青韭黃柑前上壽又早春王正月感君傳
尺素細寫紅箋持向高堂二人說但少雪兒歌調
比霓裳不美詞壇豪傑問才子東原幾時來好共

看樓頭早梅殘雪

百媚娘

有贈

絕代吳娘縹緲，荳蔻芳年還小。臉際芙蓉含素月，肌理停勻真少。一尺鳳皇高髻子，釵滑烏雲繞。汗濕紅香偏好。誰道玉環肥了。素腕抽來當鳳枕，自分溫柔堪老。薄醉橫眠嬌欲惱。笑把春膚齧。

唐多令

飲平原董默菴編修宅卽別

公子憶當年，荒城但曉烟。問風流此地誰傳。賴有江都名士在，真不媿，小平原。美酒正如泉，留予把玉鞭。欲殷勤十日流連。忽謾相逢，重作別揮手。

去暮雲邊

月中行

旅店把酒對月

平時對月碧紗紅小鴨篆烟濃雲鬢雙照卷簾櫳
微醉唱春風豈知第一銷魂景偏無賴茅店朦
朧還聽遠寺一聲鐘淚飲酒杯中

天仙子

兼郎詞賀雲漸

昨歲弄璋詩寫錯湯餅會未經沾着雖然此事愧
無功詩曾作言非謔玉果犀錢還倍索京洛人
來喧喜鵲蘭芽長在黃金幕兼郎各位自兼人秋
天鶚春天雀不是凡兒君最樂

連理枝

賀陸西曹納
南北二姬

燕趙人原俊吳越才還韵紅線雙牽青鸞對照教
郎厮認費評量總得阿龍憐昵臉痕眉印互把
死衾進左右將郎問荳蔻香平溫柔勝也定知分
寸好從容二子詠徐卿抱鳳雛神駿

蝶戀巷

宋荔裳觀察招同梁大司農龔大宗
伯王西樵阮亭諸先生寓園觀劇達

曙和阮亭
先生韵

嫩蕊陰濃繁似纈曲水池臺漸逼清和節鶯語歌
喉相間歇落蒼驚墜飄紅雪再聽柔奴翻一闕
色比芙蓉畢竟稱雙絕惜別晨鐘聲響徹曉風吹

暗垂楊月

前調

送沈生隨宋
觀察入蜀

濯錦江波流細纈却喜文翁再秉西川節絲管紛
紛應未歇浣花溪畔花如雪送爾愁聽楊柳關
萬里蛾眉獨上青天絕玉笛吹來清響徹子規夜
叫巴山月

傳言玉女

徐健菴編
修生日

蒼撲春缸滿座香浮竹葉君家兄弟較河東無別
襟期磊落只有文章心熱朝回無事弄吟風月
鎖院掄才奏湘靈總人傑九方一顧把馬羣空絕

勸盡此觴難得早梅如雪况逢長至長年時節

錦瑟詞

揚州 汪 懋麟

長調

滿江紅

讀貨殖傳戲作

咄咄龍門編貨殖文章游戲商賈業鹽鹽牛馬錙
銖皆備寡婦牧兒多貴顯販脂窖粟留名字笑世
人穰穰與熙熙無非利 范蠡法今須試倚頓術
傳宜秘便從今打點執鞭之事掘塚椎埋誠得策
舞文弄法皆良計笑巖居奇士苦長貧譚仁義

前調

陳椒峯至自都下留宿山樓卽送之南歸

暑雨初晴正邗浦綠波添漲忽報道故人來矣風
塵無恙下馬却過荒徑內開尊且坐山樓上喚樵
青急早洗金盤烹魚餉江天外孤帆樣河橋畔
雛鶯唱美故鄉好景蘭陵新釀三婦薰香調鳳曲
雙親安坐扶鳩杖問蒼間畫錦乍歸時如何狀

水調歌頭

暮春同豹人仔園龍眉叔定
家兄泛舟遇風飲紅橋酒家

落日放船好錦纜且徐牽問春歸亦何速對景強
留連試看落蒼飛絮輕薄總隨流水何處不堪憐
拚荷劉伶鋪不惜阮宣錢停畫舫登柳岸醉壚
邊無端惱煞封家姊妹下遙天吹起春波千尺攪

亂香塵十里衣冷欲裝綿歸路翻蕭瑟宿鷺起沙
圓

雙雙燕

洗燕泥爲定九賦

年年社日啄艸到人家紅襟翠尾雙栖藻井任軟
語商量起迴避時逢戊巳却怪唧噥簾幙底香泥
靜落空梁偏點染烏皮兒厭說靈卑宮裏那有
玉真娘荒唐談鬼道康堪笑化作青衣有幾不若
將巢亟毀又何必留爪待彼從今不夢華胥舊跡
呼童盡洗

夏初臨

夏景

梅子新番荷錢正小困人天氣初長昨日春歸楊
巷亂點池塘一雙紫燕飛忙看營巢泥落空梁水
晶簾捲珊瑚枕滑玉簾清涼美人睡起獨倚紗
厨針慵線懶身語巷香此時模樣歡來總未隄防
剛值殘粧露春膚半掩羅裳澆猖狂佯拋蠅拂戲
打檀郎

春霽

無題

幾陣催巷小雨歇殘紅變作新碧梅子酸時茶蘼
開了不是當初春色含情何極如慵似醉渾無力
忽聽得鶯語沉沉綠樹樓陰直當此暗想隔歲

佳期到如今俱斷了消息怕言愁眉頭心上淚痕
血染春衫白衣帶自寬腸自窄算此愁緒除非香
入溫柔歌聞宛轉方纔拋得

合歡帶

花燭詞贈
郭飲霞

美汾陽家世風流巧作合在揚州擇得綵鸞吳氏
女嫁文簫共上秦樓時當三月天桃過了亟結綢
繆把房櫳盡掩朱絃聲細錦瑟歌柔荀郎見慣
謝女嬌羞燈前背倚香篝繡帶自燃佯理髮擁紅
衾不肯迴眸來朝便好博山爐熱沉水香浮試新
茶玉盃雙擎方知夫婿清幽

鳳皇臺上憶吹簫

峇椒峯見寄

萱草含烟榴荅迎日逢君駐馬江頭記黃梅雨歇
小月如鈎緩步高臺把酒談笑坐中夜難休輕離
別人分千里夢隔三秋悠悠壯心空熱惜多才
司馬詞賦淹留念看殘青鏡倚偏朱樓忽接魚中
尺素臨風望淚點盈眸休相問春愁如海怕更言
愁

揚州慢

懷西樵司勛

記得逢君前年三月柳荅飄落成堆看滿城春色
十萬舊樓臺鎮日裏詞翻黃絹詩裁白雪名士脚

杯况鄴亭風月撩人何必歸哉 無端驅馬返東
山路隔塵埃想十笏堂前三桐樹底也自徘徊休
說揚州夢覺竹西畔杜牧縈懷向司勛寄語尚須
騎鶴重來

薄倖

送春

怨容愁態春去也今年何快已無計留他將杯酒
向落蒼深拜想二三月裏芳菲似秦女乍描眉黛
今粉褪香銷釵橫鬢亂老矣徐娘無奈 自過了
清明後但風雨有何聊賴只留得垂柳絲絲如結
黃鸝啼煞欄杆外最無情春色帶將愁至而今春

去愁仍在春如不至又那得愁腸害

沁園春

贈次功

憶爾當年鬢髮初齊文采風流美珊瑚照耀詞源
似海珠璣錯落筆陣如流袖惹荀香貌疑何粉最
有佳名趙倚樓真無敵看氣吞雲夢笑傲滄洲

誰期壯志難酬忽在苒年華又幾秋問張儀舌在
何難定霸班生筆好有日封侯位貴金多後恭前
倨蘇季曾教嫂氏羞須臾事且吟詩遣興把酒澆
愁

玉女搖仙佩

蜀人
生日

霓裳勿奏瑤瑟休彈聽我一言爲壽耻著兵書武

謾誇減竈臍還笑斬蛇人陋叔不肯干唐主嘆廬

山道士肉盤遺臭晟思量着枕流漱石楚讀易彈

琴登嘯傲清畫誰似此高風尚論古人君居其右

謾說天台作賦綽若舉賢良雖謂賈誼非謬洙

四十已過終然高隱豈讓當年明復復教子將經

授尤堪羨孫氏書樓仍舊井念璧社湖邊莘老覺

忘年契結酒杯常對巷時候願君歲歲顏如幼

春從天上來奉懷禮部王阮亭先生

曾幾何時憶東閣梅開鎮日論詩一從華選分直

春臺含香入對龍墀美身居端錦小儀澄淡轉中
儀慶彈冠賜隄麋一點赤管雙枝 猶記南宮宴
罷幸追陪玉勒狼藉金卮忽憶蓴鱸歸來蓬草浮
雲北望相思欲飛騰無計窮愁真悔著書遲問何
爲蒼前作賦醉裏填詞

齊天樂

端陽

天中時節多風雨猶記去年重午京洛初歸人稱
得意畫楫暫停江渚芳尊快舉看菖葉扶疎榴巷
媚嫵兄弟同舟單衣新換忘炎暑 年華去如流
水忽壯心消歇不堪重數弱女牽絲嬌兒射糗又

是端陽一度閒情何處覺
嬾慢新成無端懷古痛
飲千鍾讀離騷一部

念奴嬌

送孫無言歸黃山

從來高隱說終南
捷徑名心難絕
惟有孫登猿
性萬事冷如水
鐵不待移文
何須招隱
更鼓還山
舌掉頭去矣
鹿門重整車轍
誰道松桂荒涼
仙人林壑自與尋常
別若訪容成
應未遠
黃帝燒丹
爐熱玉女拈芝
青童捧露
却笑塵勞
拙君歸何晚
頭顱早已霜雪

雨中蒼憊

雨

何事雨聲不住暮暮朝朝洒向簾鉤偏把濕雲千
片遮滿朱樓強起開窗巷眠柳倦燕惱鶯愁况分
明是深千絲萬點爲着誰流 先前乍雨尚有晴
時如今晴意全休難消遣芭蕉葉上楊柳梢頭生
怕簷前瀝瀝還憎枕畔悠悠人間天上一般憔悴
夏也如秋

巷心

動閨怨和
宋女韻

郎去無期正芳年盈盈一枝誰折對鏡自憐顏色
如巷辜負破瓜時節倚欄鎮日愁無語鸚哥巧向
人調舌傷春坐珠簾慵卷翠眉低結 謾把佳期

頻說畢竟是何時少些真切昨夜前朝簷鵲燈
蒼驗取總無干涉郎心或似垂楊柳海棠下盟
言難滅負心者舉頭有如此月

滿江紅

大觀樓眺望

飄緲飛樓憑欄望風生城闕流不盡長江滾滾噴
銀鋪雪日落金山黃霧塞兵屯鐵甕紅旗掣想當
年白骨塋青燐空淒切烽燧暗何曾歇檣櫓密
空排列嘆從來征戰幾多豪傑劉季雄風今寂莫
孫郎霸業終消滅問興亡北固與南徐潮聲咽

望遠行

江干雨泊候北山先生不至

停舟昨日來京口坐聽潮聲喧暮大觀樓上瓜步
洲前遙指金焦雲樹鏡吹喧喧錯認錦帆來矣到
岍徐看還誤最牽懷一夜江風江雨思暮
登臨典劇在吳苑蘇臺懷古歷遍山川賞竊
到處新詩賦曾約重游浮玉再登多景只恐霖
相阻看亂烟歸鳥紛紛來去

綺羅香

七夕前一日
愛園夜集

玉露篩涼銀河瀉暑臥看雙星歷歷難得良宵預
賀天孫七夕劈鮮新菱角雞頭抵多少霞觴瓊液
對清尊各唱新詞不羨黃九秦七 人生歡會無

多看秋荅秋草凋零顏色物已如斯苦費思量何
益梧桐葉蕭瑟三更蟋蟀聲淒涼四壁聽臣語公
等休愁且同傾一石

多麗

有園席上聽吳門諸郎歌吹

暮雲高金堂紅燦初燒最怡情新聲一部龜年賀
老同邀調鸞鳳石弦簫名清脆振林木猿臂箭名飄蕭
細唱吳歛低翻郢曲小娥依約運居巢笙名還憐取
太平管名吹徹梁上細塵飄催羯鼓羣音中節樂句
拍頻敲奏商風吹蓬落葉莫愁反把愁招消魂
也紫雲寥亮腸斷矣絳樹妖嬈纔令人悲又教人

錦瑟詞
喜雍門歌哭可憐宵絲兼肉阮咸月琴輕撥聲斷轉
無聊推樽起吾爲楚舞休弄檀槽

金菊對芙蓉

九日懷醉白
用稼軒韵

白雁晨號玄霜夜肅凋殘井上梧桐正茱萸令節
零落家風明年此會誰知健看黃荅艷比芙蓉休
教辜負江瑤紅嫩村耐香濃好景樂事無窮欲
戲馬登臺空自心雄念素交星散清興誰同何時
賓客龍山宴對秋風一破愁容思君欲瘦江雲淮
水兩地情鍾

滿庭芳

南溪曹學士重過
廣陵卽席奉贈

白眼才人黑頭學士名高洛水陳王南溪詞賦聲
價滿錢塘轉盼十年仕宦浮雲過富貴滄桑抽簪
早鑑湖一曲不羨賀知章 新涼重會面黃雞白
酒紅樹清霜看燈前醉後意氣飛揚世事總歸一
笑榮枯事記憶椿椿詼諧甚青鞋布襪湖海任徜徉

金菊對芙蓉

懶齋看菊懷舟次二
兄客吉州得華字

今夕何時悲哉秋也絲絲夜雨如麻正橙黃橘綠
香裊燈蒼茱萸遍插人何處好時節偏爾離家菊
蒼從此不須開了酒盞慵拿 遙憶客舍寒鴉也

元自踟躕懊惱天涯縱銀葱玉笋景物堪誇何如
鱸膾蓴羹美桑落熟蟹味尤佳拋殘萬卷荒蕪三
徑胡不歸耶

珍珠簾

內示

銀箏鈿瑟聲俱悄把酒和卿細道色厭麗華名官
薄金吾好累却糟糠今十載須象服持來相報堪
笑把釵荆褰布當了蒼諾 時值設悅清秋正茱
萸香綻芙蓉蒼裊玉指劈霜橙獸炭薰龍腦但得
舖糜常舉案何必誇天涯金繞相告權冊爾佳名
少君德耀

春風裊娜

觀查伊璜女
樂卽席分賦

看先生老矣兀自風流圍翠袖
昵紅樓羨香山携得小蠻樊素
玉簫金管到處遨遊舞愛前溪
歌憐子夜記曲嬾還數阿柔戲
罷更教彈絕調穉穉端坐撥箏
篴新製南唐院本衣冠巾幘抵
多少優孟春秋拖六幅掩雙鉤
英雄意態兒女嬌羞燈下紅兒
真堪消恨蒼前碧玉耐可忘憂
是鄉足老任悠悠世事爛羊作
尉屠狗封侯

內家嬌

再觀女樂
和姜綺季

忽聞仙樂至霓裳曲飛下雲霄
記楊柳畫樓曾邀

粉黛芙蓉水榭再貯妖嬈今何幸徐娘身未老謝
傳與偏豪未免有情香兒雪面誰能堪此淨琬纖
腰時逢殘雪後金尊倒梅老清夜迢遙擊碎文
犀簪子庭葉齊飄且莫惜千金燈燒夜夜只愁一
曲雲散朝朝願借東風留住過了元宵

燭影搖紅

蘭陵夜泊懷董
文友陳椒峯

剡雪初晴山陰棹繫清江口懷人有夢隔三山曾
折東門柳記得別來未久到蘭陵東風携手豈知
興盡早閉春城夜鐘時候烟水寒畫船香燼人
孱皺把君詞賦過中宵佳句俱堪繡一夜思量欲

瘦空辜負論文尊酒最無情處幾點疎星一聲殘漏

高陽臺

題周樂園司農讀畫樓

去矣臨春荒哉結綺何如讀畫山樓檻倚鍾山四
時紫綠常浮吳宮晉代繁蒼草今但看江水如油
對青天白鷺猶聞桃葉歌喉只須林壑消憂况
詩同畫讀供我清謳試看樓頭誰非嵇阮名流愧
余空切元龍慕欲揮毫落雁峯頭共先生左拍洪
崖右揖浮丘

玉蝴蝶

看美人彈琴

又見綵鸞飛下芳年十七雅調娉婷斜靠珠簾玉
几日午香清露纖指春葱嫩剝舒皓腕雪藕香生
素琴橫檢人腸斷是一聲聲 泠泠訴愁寫怨淒
同錦瑟柔勝銀箏低揉漫撥小窗兒女說盈盈愧
相如求凰有意憐卓女歸鳳多情對琴盟願如膠
漆世生生

雙雙燕

紀夢○巳酉夏夜夢二女子靚粧淡服聯袂踏歌于曖花觀前唱史邦卿

雙雙燕詞至柳昏花暝句婉轉嘹亮字如貫珠詢其姓曰衛氏姊妹也及覺歌聲盈盈猶在枕畔爰和前調以誌神女宓妃之異非竊比于宋玉陳思之賦也

伊誰艷也看袖拂霓裳廣寒清冷柔情綽態却許

羅襟相竝行過玉勾仙井更翩若鷺鴻難定衛家
姊妹天人不數昭陽雙影溜出歌聲圓潤聽落
葉迴風十分幽俊最堪憐處唱徹柳昏蒼暝驚醒
烏衣夢穩真難覓天台芳信魂消洛水巫山獨抱
枕兒斜凭

慶清朝慢

題宋中
鄭小影

阿黑堂堂相君之面公然貴合封侯雙眸爛如燬
電企脚科頭豈少良弓名馬黃皮舞鞘氣吞牛真
難測又孰書史更足風流文則個武則個詠諧
慣打鼓與撥箜篌最喜飲醇近色妙舞清謳漫擊

唾壺如意且將笑傲寄滄洲須臾看冠簪獬豸道
擁驂騶

喜遷鶯

中郎存永阜樵醉白夜飲見山樓聽
素容較書度曲卽席填詞素容倚而

之歌

酒濃香細正燭暈高樓蒼欵幽砌名妓清歌狂奴
異舞我輩終當情死何用激昂意態但得溫柔滋
味吾頽也看羅袞綠亂玉釵敲碎心醉聽一曲
塞上明妃欲墮琵琶淚桃頰銷紅柳眉顰綠故故
酸人腸肺燈下酒容似火庭外秋光如水更殘了
任嬌愁無力枕人斜睡

惜餘春慢

冬夜聽劉玉少詒
舊用周美成韻

樹種連枝蘭開九畹好夢隔江吹斷情留小印恩
緊香囊總是秋風團扇回憶宅相當年文采風流
去同飛箭嘆多情小玉釵分鏡破天涯人遠空
見說池上蓮蒼枕頭茉莉香汗幾番紅染後堂頻
出剗襪人窺雲色一天都變從此劉郎路迷賦感
陳思悲深奉倩聽寒宵細數從前我亦淚珠千點

三姝媚

京邸送中
郎歸棗強

北風吹曠野望蘆溝橘畔霜蒼飄灑唯別銷魂况
客中重別夕陽斜挂長揖鞭梢最怕聽蕭蕭班馬

何事歸乎爲惜深閨瘦腰寬也 正是歲除良夜
看小婦妝成素絃彈罷細語燈前把文書針線權
時拋下笑入羅幃酪酏了滿身蘭麝若說春明重
去把郎暗罵

沁園春

沈康臣喜予至京填詞在贖依韻奉答

又入長安早驚寒信北雪飛蒼看軟裘快馬少年
何限金猊紅獸樂事無涯可耐蕭條不堪潦倒松
下尋僧夜煮茶平生事悵魂銷羅綺夢醒袈裟
此時空自思家奈目斷關河道路斜想官齋香熱
睡憨嬌鳥上林蒼滿啼殺棲鴉濟世公宜詩名我

其文似相如謾自誇歸與好念深闈少婦辜負年
華

附康臣原倡 盼得君來雪深地凍但少梅蒼
憶邗溝魚至幾傳心事燕山雁往也訴天涯才
卸征鞍便投梵舍十日經過一點茶鐘兒定怕
酒醒檠炷枕靠袈裟 竹西歌吹爲家好收拾
春心舊狹斜且橋邊金水晨隨班象禁中玉漏
暮聽宮鴉似我長飢逢人短褐只比詼諧朔自
誇深閨裏早望穿金帖愁換年華

歸朝歡

留別
康臣

麗日宮鶯嬌弄舌勸我聲聲歸去切果然歸去不
如歸楊巷亂滾江南雪來時重九月還家已過清
明節最牽愁短衣匹馬再與休文別西窗明燭
何曾滅剪韭春宵蓮漏徹幾回高詠復清歌洞簫
一曲聲幽咽馬蹄明日發前期不用頻頻說待秋
風重携銀管醉草黃金帖

附康臣和 巷信頻吹啼百舌送客青門離思

切桃巷紅濺酒杯濃河橋細草如鋪雪明明天
上月開愁直待來時節念君歸玉窗寶錦抵得
三年別 荀香留在氲難滅只怨驪駒催去徹

女郎挽轂上潮迎蜀岡車蓋爭闌咽計程須早
發牽裙細向高堂說莫登高臺前戲馬等紫泥
傳帖

內家嬌

將歸里門寄內

別家秋欲暮黃苔節深院海棠垂記親薦小蠻衾
稠香爛艷歌大婦參昴星稀香奩畔青鸞雙照影
紅燭對吟詩忽賦遠游去時恨速不嗔人怨來日
嫌遲還家春已暮櫻桃熟後園杏子離離却喜
風輕巷暖燕舞鶯啼且煩卿檢校香牋粉筆待予
揮灑麗句清詞更問牀頭美酒藏得多時

解語蒼

戲贈陸吳州
新納二姬

北方南國一樣佳人兩美誰相下
鈿車齊嫁青春幾年月日俱同也
娉婷瀟灑似邢尹夫人無亞喚
檀郎東勸西酬此際宜權且最愛迢迢良夜正
銀甲調絃金屏飄麝鸞乘鳳跨相俚好早把冠兒
偷卸從他嬌罵擁楊柳櫻桃如畫看生兒玉燕雙
飛明月珠光射

賀新郎

贈柳敬亭和
曹升六韵

何物吳陵叟儘生平詠諧遊戲英雄屠狗寒夜蕭
條聞擊筑敗葉滿庭飛走令四座歛歔良久說到

後庭商女曲悵白門寂寂鳥啼柳天付與懸河口
可憐飄泊寧南後記強戾接天檣櫓橫江刁斗
亾國豈知逢叔寶世事盡銷醇酒嘆滿目爛羊僚
友心識懷光原未反但恩讎將相誰知否少平勃
黃金壽

沁園春

再贈敬亭
和升六韻

狡黠淳于抵掌而前似此奇哉任毀三罵五河山
塵芥譚玄論白富貴蒿萊臨檻狂呼仰天大笑舌
上青蓮何處來從他語學伯倫作達荷鍾須埋
當筵謾道俳諧看此老前身是辯才記靈岩山畔

天蒼曾落遠公社裏錫杖常陪慷慨逢場悲涼說
法較勝雍門樂與哀餘生事但楞嚴繫肘麩米盈
杯

春風第一枝

石林招同武曾錫鬯二鮑湘草
穀梁夜集寓齋看燈上美人用

史邦卿

剪韭韶光落燈時節東風今夜初暖縷金屏內香
濃碧玉盞中春淺鳥聲報客正風揭畫簾絲軟好
良宵不飲何爲况有玉鳧銀燕紅燭裏忽拋星
眼紗幕外誰凝雪面依稀人在瓊樓只少歌翻闋
死畫圖相識又惱亂心情如線最牽愁我夢揚州

月下簫聲曾見

春風嫵娜

清明同繼武峩眉武曾二鮑康臣石林集野外松下送錫鬯之揚州

最關心節序又早清明風乍暖日初晴喚吾徒携
着黃柑綠酒樂遊原上去聽鷓鴣不上紅樓何知
紫陌只傍松濤響處行無那故人先惜別春風故
遣柳條青 此去揚州路好竹西歌吹正三月花
滿江城櫻筍會木蘭亭畔高吟爛醉讓爾成名自
顧茫茫一官遠客春愁黯黯萬事飄零恨離情鄉
思亂如芳草散比浮萍

鶯啼序

贈龔大
宗伯

且莫彈瑤瑟聽我緩歌進酒問今日勲業文章嘒
嶸誰在公右惟幄談兵絳灌服巖廊議禮侏儒走
美濟川舟楫多賴擎天雙手才子名高尚書履
貴親出 君王口記朝元溫語傳呼蒲桃滿酌三
斗退官齋絳爍裁詩召賓朋春盤剪韭較平津閣
上何如古今無有 真能得士萬戶縱封非願識
荊州恐後笑當日原嘗折節卑躬鳴雞盜狗門擁
鄒枚庭羅沈謝布衣多是先生友每問取山中灌
園叟好賢若渴東南三十年來吾道在一人守
如予庸鄙趨走風塵憔悴看蒲柳時望龍門高峻

耻說樵人敢稱在客欲來還又祇增余懶誰憐我
拙雁門好句何曾獻感昌黎束帶情原厚願爲起
舞樽前擊筑吹竽奉觴上壽

前調

壽大司寇梁蒼巖先生再疊前韵

積雪寒梅裏正喜瓊開歲酒擁裘坐碗碧爐紅牀
前圖左書右詩吐光茫李杜出詞翻雅麗秦黃走
仰大名當代著作盡歸公手 兵法穰苴典謨稷
契譽滿羣賢口看巖廊齊頌文明關山已息刁斗
更平刑坐石鞭蒲善移風烹羔祭韭美功業縱橫
昔人希有 閒來博古卷軸晉唐元宋出宣和以

後但吞吐烟霞嬾問丹雞羞看蒼狗五嶽爲圖衆
山皆響少文真可稱良友此變幻何殊橘中叟避
人小築蕉林書屋悠哉雙鶴在階前守 扶風庭
廣女樂生徒濟濟森槐柳却媿不才名晚座上論
文燈前譜畫酒闌還又茂陵游倦東方飢矣一官
趨走何人問嗷憐才只有歐陽厚敢言句比金荃
欲喚雙成吹笙爲壽

疎影

題西樵考功
三桐小照

小時種樹愛清陰十丈草堂低處二十年來仕宦
風霜夢魂每依庭戶弟兄鼎足東西屋任游戲高

梧時據自君之出矣桐蒼桐葉滴殘秋露倦翮
曾經休息紗巾隨竹杖縱游吳楚叔則清通畢竟
巖廊若道江湖誰許重來啓事鳴珂入人爭看玉
山如故畫圖中不改荷衣好把沉香薰注

瀟湘夜雨

題大司農蒼巖先生蕉林書屋圖

種樹成林擁書作屋果然天際真人滿園深綠翠
崔下蒼茵最愛聲聲葉葉小窗外秋雨堪聞臨池
好蕉心細展揮灑走烟雲我公才絕世談兵說
禮嘯月開尊更雅耽林壑心癖松筠每日朝回蒼
底開軒坐簾靜香薰閒翻就棠村好句歌扇按紅

裊

賀新涼

送周雪客
還白下

落葉飛蓬卷此何時客中送客殊難為遣皂帽羊
 裘新結束與爾淚蒼雙泫嘆別緒春蠶抽繭萬疊
 西山殘照裏看蕭蕭易水冰痕淺平野濶駿蹄展
 天如濃墨光微顯舞迴風雪蒼如掌馬毛僵扁
 盼得人歸先白雁不倩書黃犬想顛顛柳枝愁免
 雪客寄內詩有廿年
 憔悴柳枝柔之句
 臘酒正濃春菜滑試高吟秋
 水詩詞典船早渡對江剪

五福降中天

奉賀司農
公生子

簾紋昨夜金光繞洵是湔褻佳兆玉燕投懷石麟
入夢孔釋雲中親抱畫堂喧笑爲湯餅關心弄麝
錯草漫說聰明愚魯累葉公卿早萬事如今足
了人家皆養子公非小千卷文章百年勲業久望
傳香人到本來福慧已識之無鳳巢雛好怪底崢
嶸此郎真個少

滿江紅

題梁冶澗柳村漁樂圖和司農公韵

滾滾青山映漠漠長隄千曲看寂寂陸居如水舟
居如屋十丈柳絲牽翠帶一溪春水搖寒玉羨漁
郎漁婦弄船閒荷衣綠算此地宜松菊更隨意

裁蒼竹問柴門車馬不堪重辱似菜河魚非用買
勝茶村酒粗能足笑世人忍死守黃梁何時熟

永遇樂

七夕司農公招飲觀
演劉項諸劇和原韵

金井飄梧銀河填羽嫩涼時節賀老彈絲秦宮按
舞此境真天設英雄咤叱美人嫋娜夢醒半鈎秋
月試回頭看西風殘照楚漢一般宮闕不如飲
酒信陵作達萬事安吾才拙爭似尚書文章遊戲
未老三千髮當筵譜曲雪歌紅唱歐晏風流重接
羨此文香濃酒醖旅懷都歇

附司農公原倡

大火西流雙星初會填河佳

節絳燭高燒湘簾暮卷歌舞當筵設賓朋膠漆
披襟引滿領取淡雲新月暑將殘秋光一片先
到鳳城雙闕 鍼樓兒女競陳瓜果自笑吾生
全拙急管繁絲好天良夜莫問蕭蕭髮周郎在
座伊涼悲壯千古風流堪接嘆劉項紛紛蟻戰
英雄銷歇

滿庭芳

喜黃仙裳至京在
贈新詞依韵奉答

千里關河九秋風雨懷人夢隔燕吳江鄉水漲零
落舊紅藻每向少文問訊黃叔度踪跡蕭疎今何
幸棕鞋桐帽擊筑到天衢 欵欵憑按劍有才如

子抱璞沉珠欲小山招飲作賦相呼却怪終南捷
徑空魚目誰識瑤琚休惆悵杜陵當日旅食騎驢

百字合

徐電發見寄長調索
予詞稿依韵答謝

三年京洛問消愁惟有紫羅青玉不會意時思竟
返性是水禽山鹿賦媿安仁悲啣阮籍憔悴無如
僕麻衣歸里怕看堂下慈竹感君問訊勞人新
詞細字淚眼昏殘燭舊句已隨秋葉散兩耳厭聽
琴筑白扇抄詩紅兒按譜只恐添蛇足况須割袞
不堪綴此斜幅

東風第一枝

上巳平山宴集送南
溪學士入都原韵

蝶舞蒼殘鶯飛草長春愁此會都亂騁懷六一堂
邊高會五泉亭畔佳辰修禊更興感萍分蓬斷趁
今朝尊酒蒼前明日河橋柳畔京洛下舊遊總
換長樂外曉鐘遠喚名卿半在公門好寒後堂絳
幔 君王市駿誰得似飛龍血汗問蒼生宣室重
開應嘆老成無伴

附曹顧菴先生原倡 寒食膠餠暖風梳柳杏

蒼開處零亂年年青草如茵鋪軟玉鈎斜畔客
心憔悴玉人去玉簫聲斷別揚州疲馬征衫曉
渡黃河沙畔 村釀熟敝裘須換茆屋小盲雞

頻喚月明偏照人孤回憶紅橋酒慢東華塵漲
誰與拭何郎粉汗看白雲變態無端歸覓漁樵
舊伴

瀟湘逢故人慢

奉和司農公
見寄原韻

東南雲霧向何處投竿且還擁絮听憤臨江浦久
人倦空齋書拋老嶼過日無聊敢浪說楊雄油素
賴消愁研滌琉璃自寫羊城佳句時校梓公
使粵詩歲
時遷風景暮想借庶蕉林馬櫻開處觴詠蒼間路
空惆悵而今文通別賦布帽蒙頭恐負却歐陽知
遇但夢繞長樂鐘聲三匝龍樓烟樹

畫錦堂

題孔釋抱送圖賀
司農公舉第二子

記得前時曾歌五福畫堂爭獻犀錢已覺蘭芽長
就小步階前此會鳳雛重入抱他年雙壁好齊肩
誰相送頭角非常石麟飛下遙天 奇焉西竺氏
東家老慈雲聖澤綿綿一樣文章智慧孰後誰先
蕊淵見說珠還孕藍田又報玉生烟真堪慶豈但
徐卿二子名位轟然

時又開育
麟之兆

東風第一枝

迎春

冰泮寒前蒼舒子後春聲先喚簷鵲東郊綵仗喧
闕南樓玉人梳掠粉香蒼氣映初日嫩容嬌灼喜

六街高揭金幡萬戶低垂珠箔 馱細馬官姬綽
約隨皂蓋吏人繹絡 忒兒斜縮雙鬢土牛半彎兩
角春纔過也共剪韭傳柑爲樂願聖朝歲宴年豐
父老常安耕鑿

跋

或曰錦瑟古樂器也宋人詩餘皆被絃管故設大
晟樂正所以協宮徵而宣音律自金元院本繼興
搗箏劈阮遂不復能絃舊詞今蛟門以錦瑟名集
亦欲按紅牙檀板與柳郎中爭勝于歌頭犯尾之
下歟或曰錦瑟今狐丞相家青衣也當時義山少
受知于令狐楚復為王茂元鄭亞所辟令狐綯心
恨之不相款洽李故托為錦瑟及無題諸詩真其
感動豈較門亦有所託歟皆不必深求要之溫柔
昵語正宜彈撥于鷓鴣雞雁柱中至其豪邁宕往淋

瀉感激直欲上掩和凝下凌溫尉非僅花間酒邊
誇為麗句已也 時

康熙丙辰仲春花朝吳江徐鉉菊莊謹書